

酒

邊

詞

賭棋山莊集 酒邊詞七

長樂謝章鋌枚如

鳳凰臺上憶吹簫

西湖訪趙十五陳叔度墓

十笏青山一奩秋水此間正可埋愁況生平枯槁不羨封侯解
惜詞人朽骨空回首公瑾風流斜陽外牛羊幾點踴盡松楸
千秋騷魂戀此看宛在堂前把臂勾留問當年詩卷大夢悠悠
且對吾家評事花開矣騎鶴來游西風緊百年塵土醉酒添愁
二公死周櫟園爲之葬相傳墓在大夢山
花開月圓館先評事湖上別墅之一也

百字令

書弔古戰場文後

長城竟壞把江山半壁付之兒戲宴坐焚香惟畫諾尙謂臣精
凋敝校尉換金相公伴食一闋功名市累人枉死可憐埋骨何
地其奈橫海孫恩叩關突厥狡猾能爭利遇毒倉皇眞似鼠
雙手扶頭無氣露布纔馳羽書難上悔不歸田里行將畫錦天
偏相阨如是

鼓歌暮舞竟太平粉飾及時行樂奏凱聲中萬馬過狐兔酣嬉
更惡賊自黃巾官方赤帝民盡墳溝壑六州聚鐵般勤累次鑄
錯遂令地少堅城兵無利矢一捲風吹籜此局全輸猶未悟
孤注何堪屢博攤簑須勤聽竽勿濫致死人心作不然休矣諸

公袞袞安託

從天而下猛一聲霹靂誰人掣肘進則獲生退則死戴罪不容
留首三箭天山丸泥函谷扼地爭攻守游魂金底遷俄何術能
久不應乘甲歸來張燈行炙日夜還拚酒戲馬臺前春草滿
閑散健兒身手骨肉燕嬉弓刀烏合人在心先走危城又失淒
涼金印如斗

度支使置但歷年搜括銷歸何處萬姓脂膏供一飽厯厯要津
分據續尾秤官裏頭羸帥都廢金莖露狼煙乍起分肥又覬財
賦須曉白骨斷冤紅塵說夢難挽天心怒情面破除肝膽共
努力金湯調護擣吭計奇衄疽恩重莫遣陳倉渡哀音滿紙古

人甯是無故

掃花游

斜陽

韶華負盡經幾度蹉跎欲明還暗濃陰忽散算情天有意肯留
一線獨自商量何處移寒就暖西風緊怕吹起愁塵窓外都滿
晴雨驚屢換數點點歸鴉暮雲零亂流光漸淡向闌干斜倚
殷勤重看最怕銷魂分付黃昏且緩莫腸斷更盈盈月圓星粲

沁園春

嘲花

既落塵寰不思天上花汝何來算便有文章總依門戶偏因顏

色得上樓臺桂斷爲薪桐枯作枕有用由來是禍胎流年換害
君落煙月都化塵埃 可憐幾次親栽看獨坐春風選異才間
沉香亭畔何人吹笛鴻都觀裏有客騎桮磨折功名傾危家國
作祟其中非汝哉吾從此且深根固蒂不許濃開

前調

代花解嘲

花笑曰嘻我方自賞子何其癡歎世不知春豔當點綴人皆逐
臭香可支持小草無才喬松失色著力東風一挽之錦茵上看
調羹手段放出些兒 開乎無故遲遲若稍解憐才扼腕宜算
調護春陰天猶默眷徘徊空谷地亦增奇未厭清高也堪富貴

絕色猶能助畫眉君休矣笑無端嫚罵妒似封娘

南鄉子

感柳

消瘦可憐腰不倚東風獨自搖從此任人攀折去無聊管汝眉
痕兩道焦斜日一條條曾挂先生舊酒瓢但願度江化萍實
魂銷莫作楊花滿地飄

醉蓬萊

上已集怡傀山館限調

記故人招我一十年前桑溪濃醉列坐流觴比蘭亭何愧臺上
琴亡夢中筆老向東風垂淚寂寞江山飄零詩酒幾番憇悴道光

丁未曾興芑川
宵嚴修禊桑溪
况復城頭曉笳哀角
一點斜陽遺愁無地暖
不成春莫沉沉天寒尙幸青山肯留青眼
算狂歌容易我輩疎
頑此間高曠不祥奚忌

喝火令

遺釵同己舟贊軒作

忽地回頭顧無端點首驚髮光猶照一絲青
記得百般憐惜新樣鑄黃金
遙颺銀燈影初搖錦帳聲惺忪寶髻重難禁
莫挂簾鉤莫墜落花深莫被箇人偷拔袖底記芳心

南鄉子

燭淚

七尺閃銀荷照盡銷魂照盡歌千古淒涼都一樣奈何心太分明淚自多良夜易蹉跎點點知伊怨什麼尙有熱腸灰未得婆娑恐負流光一剎那

高陽臺

修月

滿地干戈都無樂土此身合上瓊樓其奈廣寒飄搖風雪方愁
金波滾滾嬌娥泣算不如騃女癡牛淒涼不問門戶八千何處
勾留明蟾肯助三分力囑從今如鏡不許如鉤有手回天替
卿料理何憂霓裳補出團圓地讓三間小築糟邱醉封侯看七

寶光中容我昂頭

蝶戀花

爐煙

忽訝陰陰天欲暮
不肯分明罩得花如霧
簾內濃香簾外絮銷魂
吹過相思路
一縷遙從心字吐若斷若連
搖曳歸何處
但願離魂伊可附隨風漾入君懷去

人月圓

好風吹月來天上
照汝不須歸
一年幾度團圓
相對快句爭揮
二三摺大嬌娥
肯顧爲駐清輝
人將月訴月
將人媚高捧低
偎

惜奴嬌

鮆魚

桃花漲後餓口開無數便萬錢也須下箸動輒隔年纔解我相思苦何故偏多骨累人吞吐去乙留鱗熒熒火般勤煮對夫

婿酒杯輕賭更喚小鬟這薄禮好將去返哺望阿嬪加餐休誤閩中近行鐵錢物方極昂鮆魚斤值數千文

薄倖

獨夜不寐自起推窗四無人聲空庭似水月乎何爲此無聊也

蟲聲瑣屑更點點雁聲嗁嗁正把卷沉吟獨坐風過一燈明滅猛回頭潑水空庭流光照我鬚眉徹看樹影支離花陰零亂誰

信月痕孤潔 最好是三五夜怎忍把霓裳拋撇但屢生屢死
無多瘦魄頻年獨自供磨折瓊樓空設況蟾癡兔狡桂花何處
天香漫嬌娥珍重莫到下弦時節

前調

荒雞怒號曉風漸大亂雲起處月又昏昏欲落矣

東風力竭向天外濃雲吹裂讓一縷清光下照無數蚌胎偷結
忽漫空苦霧又生銷魂那忍團圓說正哀蛩似叫亂鶯高起做
出淒涼宮闈 水晶裏無多地間誰遣金甌屢缺看婆娑樹底
妖嬈狂舞吳剛信是支持拙長生何訣便八千門戶那堪累次
精華洩蕭蕭襍被剩有幾多玉屑

南鄉子

感石

塵土忽漫漫上者危峯下者灘眼底不平千百轉無端與汝相
逢在此間便是補天難作勢猶能助遠山卓立真宜袍笏拜
投閒忍聽風雲日夜寒

便老亂山嶺閒散何曾不是仙況有素書三兩卷高眠莫覬荒
荒黯黯天蔓草自牽連骨節玲瓏笑汝堅從此不言應更好
雙肩寂寞自捱射虎年

浪淘沙

夜氣逼憲清習習風輕斷蟲忽做可憐聲回首無言頻顧影一

穗燈青 何苦耐零丁天莫陰陰綠雲深處有三星不許今宵
無好夢分付羅衾

滿江紅

答錫三

彼此斷雲忽幾陣好風吹合記當時門欄似鯉朋簪方盡脫帽
悠然盤膝坐低吟不許羣喧雜擲一枝秀筆出塵來花光匣
游便翠劍伶榦醉便下陳蕃榻算一燈聚首幾番酬答閱世難
尋清淨土望君獨上慈恩塔聽清明唱出斷腸聲風獵獵錫三
清明

穀魚兒
詞絕佳

大抵吾儕須勿負乾坤清氣不得已讀騷痛飲託之文字休逐

浮名慕柳七豈爭罵世隨劉四只刦灰莽莽尙飛來吾心悸
車難折蟬螂臂刀難串巨牛鼻看粗公賦茅魚兒吞餌萬籟焚
香祈老死一場畫餅供游戲願著書閉戶共青山愁無計

臺城路

鶲鳩啼後天如水釀出一窩春病曲巷聽蛩小樓坐雨贏得傷
心無盡簾腰漸勁又池館吹煙落紅成陣容易黃昏疏憲不掩
一燈燼無情更恨翠竹蕭疏三兩樹未許人凭泥滑易欹昔
深難剪何處雪鴻潛認夜深風靜莫幾篇詞賦銷魂重詠且起
閉門低眉僧入定

謁金門

春事將殘悵然有作

風輕暖花下春忙人懶無數綠陰吹欲滿流鶯渾不管
疊疊碧桐似繖卷碧紗憲易晚昨夜夢中雙鬢短閒愁思酒盞

踏莎行

點點是煙濛濛是絮桐陰潤到無人處溼雲破碎不歸山夕陽
鶴背天酸楚何夢樓臺何聲簫鼓一池春水魚兒舞閑干十二
倚黃昏迴腸忍盡傷心語

暗香

臺江感舊

黯雲換盡忽變煙蛋雨吹來成陣試看脂痕驟染猩紅不堪認

何處琵琶細響濃陰裏情天也病累蚨蝶無力高飛一縷瘦魂
剩雙鬢北風勁怪滾滾長江亂潮無定鬼聲相引空際樓臺
又嘯蛩無數啼鶯已老蘿一片夕陽淒緊春去矣休再問花前
月影

金縷曲

時事愈迫贊軒慨然作出山計讀其詞嗚咽彌甚作此以廣
其意嗟乎此正子野閑歌時也

難與天爭命作無益牢騷抑鬱更添心病我已湧涼三十載幾
縷鬢毛僅剩忽聞汝蒼茫獨誄萬感心頭如水湧嘆風狂不許
喬松靜成與敗誰能定雖然且自生平盡有一場轟轟烈烈

纔爲上乘况汝英姿如健鶴刷羽九霄易勁只俊眼也須細認
不必飛騰拚一搏恐墜雲或飲無情又僕將老望君甚

賣花聲

記得畫堂東曾祝春風疎星如彈月如弓來也無言偏惻惻欲
去忽忽一笑忽惺忪花霧初濃雙棲誰辨鳥雌雄不覺腰肢
無力甚頰暉潮紅

記得說相思燈下依依兩身影併一身肥涼露偏嫌今夜滑著
意扶持門外有獨兒且住爲宜眼前相對學雙眉早起怕風
遲戀月不是歸時

金縷曲

晚雷

努力推車起算彼蒼遇公甚厚需公布置臣朔偷桃偏得意狡
猾麻姑擲米瑤池上醉生夢死公有砰訇天鼓在合三過一洗
翠仙恥憑振擊雙雙耳 斜陽況又無多矣黑沉沉濃雲堆墨
狂風濶矢竹苦松焦都望澤頂祝阿香千里莫但閃電光便已
戴骨妖氛方夜嘯更長鞭辟處羣陰裏雌而伏公何理

臺城路

金銀花

東風也晚人情暗垂垂眼前偏媚嫩白初鋪淡黃如鑄買取春
光滿地珠梅玉李笑寶樹叢中難尋位置誰是不貪花前還想

夜間氣 算能依傍富貴怪凌霜傲雪長生偏易淚廁羣芳終
成小草得意盤旋無忌虛名休恃看總是空花繁華何味留戀
餘香有人醒也未

南鄉子

殘燈

四壁悄無聲隻眼孤燈兩點青眼已漸低燈漸縮輕輕一閃尖
風冷到心 最怕落花淡淡影模糊瘦可驚不易分明容易暗
陰陰著力疎煙暖曉星

臺城路

綠陰

春風漸醒繁華夢濃陰亂吹成陣飛絮纔停游絲又織懊惱啼
鶯聲噪樓頭雲凝指一角斜陽模糊欲盡滿地燕泥疎簾無影
小窓靜、朦朧心緒莫訴眼前還黯黯淒絕三徑淡處難描愁
邊易暝中有多情人病闌干誰凭便踏偏苔痕落紅怎認一樣
銷魂短衫青更甚

西地錦

燕

二十四番花凍做繁華一夢斜陽又冷柳綠又緊隔當時門巷
黯黯春城如甕有許多畫棟幾回軟語商量不定覓東風無
縫

滿江紅

肩項木強作痛戲作

祇瘦肩間何事平安又欠十數日筋懸骨弛勞如負劙聳處
愈昂獨立影垂時難御千鈞擔歎從今強項又添些人增厭
病忽似渾身屢痛不許回頭囁莫上疎若鳶高飛有漸孤苦久
憐無米負溫存那便將花攬笑先生俯仰不隨時望之儼

金縷曲

夏夜小西湖泛月并過桂齋謁林文忠公像

聽盡哀鴻叫喜今夜扁舟一葉容吾長嘯風露滿身渾不管上
有嫦娥暗笑算狠欠玉堂才調只合盟鷗兼揖鷺冷湖山到處

供憑弔蒼蒼鬢非年少 長堤何地無衰草莫再話許多經濟
那般懷抱有酒不妨顛倒醉明日蓮花將老好邱壑幾時重到
聞道桂齋風雨夕若有人痛哭來蓬島心中事決之早

臺城路

枯樹和贊軒

江南做盡傷心賦婆娑已無生趣荒驛孤梅寒潭衰柳磨折能
禁幾度遙天欲暮正三匝無依亂鴉低訴不解繁華祇今零落
向何處 槐柳忽然無數算春風力薄綠陰難駐便化飛灰或
支大厦此後升沉多故枝棲漫許莫留戀南柯頓忘風雨看到
銷魂亂山無一語

華城路

秋聲已到梧桐樹虛堂不堪長住酒冷做愁燈孤做悶回首鬢
絲如霧梢無人處有幾點流螢穿簾自去早是陰陰隔窓又滴
豆花雨銀河一彎遙注想佳期近矣許多情緒縹渺樓臺荒
唐風月累盡世間兒女相逢何語問斷錦零星尙餘幾許鳥鵲
何知逐年辛苦汝

賭棋山莊集 酒邊詞七終

賭棋山莊集 酒邊詞八

長樂謝章鋌枚如

金縷曲

聽雨

怪煞芭蕉樹偏做出瀟瀟颯颯許多酸楚此夜高樓知未睡替
我驚寒怕暑又悄向珠簾暗觀點點分明心上滴燈熒熒照夢
將心煮無聊賴低頭處阿香且慢撻雷鼓莫驚醒畫梁雙燕
喃喃私語如訴如吟如太息記盡銷魂眉嫵記不盡傷心情緒
門外春泥何滑滑看馬蹄駛徧相思苦休輕向他鄉去

南鄉子

前題

夜氣匝春城縮綠燈光慘不青我有蒼茫千古淚輕輕付與羣龍助雨聲一半潤春耕一半淋漓洗甲兵一半便留天上去英英從此風雲萬點清

水龍吟

孤雁

一天離恨沉沉當時侶伴飄然去斷腸字少回頭影淡冷清清處落葉千層殘雲幾點瀟湘日暮且消停這胸無多毛骨休重被西風知聞道玉門難度莽烽煙幾回團聚雙棲未穩孤飛已慣前程休誤醉裏停琴愁邊滅燭都無情緒好寄蘆白愛從

今莫再過銷魂路

臺城路

黃葉

離心忽到江南岸平楚蒼然易晚減綠難陰催紅有信漸瘦青山一半西風暗換向卯色天邊暮痕零亂一樣秋光疎籬不及菊花伴新愁於今滿眼便前度青青有誰人管苦竹凝雲寒蘋墜月獨立單衫腸斷憇金堂畔挂幾點斜陽飄零未慣昨夜微霜故山知己滿

金縷曲

答星村

我亦淒涼甚自三歲母亡弟死零丁多病逮壯夢喪詩又廢依
傍慈雲僅剩況家計銷磨殆盡顛倒不支薪與米幸老妻諒我
能安命子賢否還難定平生卻有千秋興看乾坤蒼茫若此
熱腸難灑努力文章高一尺到底不知究竟把面目自家細認
濁福不如若輩矣只扶持節義天應聽已不是年華盛

滿江紅

書湧泉寺壁

欲駕長風向絕頂抱雲高卧忍溷跡人間去也茫茫塵埃萬點
山光牛馬夢一天蜃氣魚龍過借蒲團清淨傍層霄昂頭坐
人聲寂蟲聲夥雨聲逼泉聲躁只黯黯虛堂一星禪火亂石無

言愁向佛孤松得意肥於我忽冥濛世界不分明何因果

玉京秋

衰草

山巒巒平原悄無色斜陽如血紅紅翠翠枝枝葉葉忽地霜華
一片亂濛濛漸黃漸黑離離色不知何日春風再熱況是王
孫輕別剩何人此間偷活最銷魂江雲已斷江波又闊關塞何
長玉帳外一寸芳心屢折寒蛩咽似怨出山時節

一斛珠

紅樓夢題後

登仙不早繁華一紙風吹破淚痕都注梨花朵偌大乾坤著箇

傷心我 欲訪舊人無一个許多風月荒唐過多情自古添煩惱
珍重來生莫入紅樓可

滿江紅

題三子談詩圖三子雪樵禮堂江峩叔

湜也

偌大名山莫鼎足竟分千古且休管黑雲如墨門前風雨虛石
有情苔屢皺老天解惜花應舞間何人大書而特書聲調譜
阿誰客阿誰主偶然聚鬚眉苦這一場排遣滿腔酸楚各以神
行呼欲出純乎意會難爲語看小爐活火一星星茶方煮

喜遷鶯

漏聲

丁東遙報向靈壺漫覷猜遲疑早窣地簾低出窻香細約畧曉
籌乍到蓮花嬌欲語問此水淺深誰做好時光看參差磚影槐
陰漸矬階左風正好吹落幾分猛省如何可忙甚烏輪咽來
虬箭滴碎閒愁無那又成虛度矣這黃昏能經幾箇最惆悵是
急景彫年一燈枯坐

減字木蘭花

睡壺

蕙尖擎處西施舌底櫻桃吐除卻檀奴拾得餘香總讓渠 鎏
金琢玉石華飛下湘裙幅寄與伊看幾點紅冰尙未乾

齊天樂

花影

惜香細把香痕認淺紅低闌成陣月角窺時燈昏閃處軟玉輕
煙微暈蝶疑鶯瞬卻豔夢驚醒恰無憑準春色十分隔簾緩瞧
二分穩扶闌一彎乍趁看暗邊刻畫箇人眼俊描汝嬌魂伴
儂弱態明鏡寸心較近空中愛寵似寂寞蘭閨留些殘粉忽地
朦朧曉雲天際緊

長命汝

遊絲

風乍裏一縷春痕低又小亭院斜陽悄墜處彎彎闌角搭處
疎疎林表昨夜輕魂還繩繩又到花陰了

臺城路

牒聲

畫廊真箇銷魂路貼地蓮花欲語雙笄乍移一弓細認似拂琮
琤琴柱隔屏暗數想轉到回闌萬紅深處半晌無聲凌波正好
作微步驚鴻忽然來去似關心花外怪人偷覷甚欲潛踪卻
難絕響除是手持金縷紅鈴三五又蹴碎簾波驚醒鸚鵡瘦損
鳳尖痺翠應道苦李後主詞手持金縷鞋

釵頭鳳

觀女郎解九連環

年兒小心兒巧碧紗牕底環兒裏遲疑處低個數幾番宛轉欲

拋又住覲覲覲 從頭理回腸比團圓不斷真堪喜連連脫纖
纖滑如蠶離繭如蛇蛻骨活活活

珍珠簾

泥美人

閒情乞得胭脂土向瓊窓細鑄銷魂眉嫵水性愛團圓好偎風
避雨半臂宜黃衫宜紫漾紅纏芹香一縷何故便掌上身輕溫
存無語 猶憶午市攤錢任纖手摩挲阿嬌誰貯爛醉亦如卿
愛檀郎風趣只恐後堂詩婢笑問胡爲泥中見汝漫覰算儂已
多年禪心沾絮

換巢鸞鳳

焚香

良夜迢迢正熏筹斜倚牕鴨頻燒甜回蝴蝶夢暖到海棠嬌相思一縷出簾腰有歎歎輕魂隨汝飄氤氳裏看宛轉兩心相照月小人悄悄花外煙青低訴未曾了小字蘭芝芳齡荳蔻情緒旛檻都曉叮囑隨風向郎邊綠毛公鳳收偏巧鬱金堂記偷窺韓掾年少

百字令

煮茗

石泉一掬看樵青盥手時壺輕抹酒夢乍醒詩夢蠶解爲相如澆渴水眼圓邊蓮鬢點處巖蜜香初割雞缸滌滌幽蘭一朵猶

活　卻嘆還徧旗槍芙蓉暗換毒草黃金刮雨後頭綱喧市舶
刦火一鑪忙煞茶苦難甘湯揚愈沸餘瀝隨人潑瓶笙聲裏傷
心白盡華髮

沁園春

私語

遠廳含吁近聞帶笑雙立多時卻有甚幽情流鶯覲曉忽驚微
喟歸燕遲疑溜眼傳神掀眉送信非我佳人莫解之同心話合
並肩細訴肯負星期　回首只怕人窺幕咽住蘭吹氣一絲算
便是無言且休問我儻逢生客正好瞞伊詩指遙道琴心暗遞
勞立懸猜有雪兒相思字更煙灰偷撥寫與卿知

喜遷鶯

屋漏痕

挑燈細覷忽紗窓生暈懸流暗注避潤移琴畏霧捲畫驚冷更
攜書去淺深頻蕩漾怪四壁簾波無數長太息算萬間廣廈虛
言何據一環堵方飛舞小漏如毛大漏喧如鼓篆膩粘蝸涎濕
吐蛆溼綠溜珠一縷空牀乾處少攬詩夢速宵正苦臨池法便
揮毫悟得怎經風雨

垂楊

捉迷藏

遮遮掩掩咽一絲蘭氣花魂乍斂碎步闌珊香塵暗捲幕
幕尖閃

輕聲驚起金鈴犬
驀回顧秋波屢剪慧心火
俊眼瞪瞪恐瞞伊
難免 御怪畫闌太淺忽窄徑相逢
孤廬輕展再試何妨
飛身不怕屏風險蛇行看汝腰肢軟
把檀郎盡情調遺手牽繡帳露些胭脂臉

少年游

屏風

金尊檀板夜聞歌銀燭隔香羅中有佳人
亭亭獨立懊惱上橫波
鬢絲禪榻今如此
關絕汝知麼比似紅牆七尺多扶頭睡奈伊何

水調歌頭

喜雪

皇帝之三載其日爲上元濃雲如幕北風如箭雨傾盆雨後雪
聲來矣忽地堆瓊刻玉清氣寒乾坤一片亂山白林樾少餘痕
大歡喜父老笑兒童喧今年黃粱飽喫安穩卧柴門莫管一
寒至此且健千秋事業快馬下平原爲喚主人起與爾奪星器
滿江紅

不寐

終日低頭便不寐昏昏若此卻忽然摩挲雙眼投書屢起簽鳳
因龍愁未了滋蘭樹蕙誠而已算人生閉戶得安眠原無幾
大雞鳴吾傾耳亂鴉啼人叩齒問黃粱然後南柯誰理萬事不

如醉夢好今年儻有風雲喜且挑燈對鏡獨裴回鬚眉美

百字令

五人墓

頭顱輕賣將世間公道脊梁擰住肝膽淋漓埋不得合與要離
同墓有友五人斯民三代我記徐陵句懦夫過此不容隻眼而
覲須知東廠威權難驚君等只嚇毛巡撫三百餘年培土氣
齷僧也堪千古爲告長官稍持氣節鵠鵠休輕舞可憐委鬼一
抔無此黃土斯民三代也有友五人焉

吾聞徐興公題五人墓詩

臺城路

眉痕

多情更傍粧臺下 記得當時眉嫵眼暈紅邊
鬢窩綠裏釀出滿
愁一縷秋波細注 怪若卽若離難通私語深淺遲疑欲將絲算
皆伊補
况復低低如許算隔花一笑空留遺譜
新月朦朧遠
山恍惚贏得銷魂無數此時最苦讓明鏡偷窺雙彎如故點盡
螺丸幾時相對舞

浣溪紗

重字闌

人字樓臺月字窗畫闌亞字正相當中間風硯與心香
忽短忽長丁有尾一橫一縱正迴腸
花枝低處倚斜陽

水調歌頭

柯烈女哀辭

烈女名玉瓶閩縣象園人四歲孤漁塿朱氏舅
哭不食父母不忍奪其志也年稍長爲人執農積傭錢託訪

其夫不足繼以釵銅如是者二十三年父死母以貧故潛守
烈女於潘塉某昏期逼呼之歸歸二日服藥

死時道光二十九年十一月二十八日也

粵有柯烈女家住象園閩小名玉瓶四歲許字漁塉朱今日鵠
鵠入室明日鴟鴞取子夫婿賣爲奴妾有死而已改對賤且愚
樂昌鏡或重合姑徐徐備錢寫盡零丁二十三年餘天乎何
孽至此母也不諒人只決絕入泉衢我唱孤鸞曲用待采風詩
采桑子

鷓鴣

蘆花冷處桃花暖斜日如煙春水如綿一廂乾坤浩蕩眼
風

波若此如何做醒眼獨懸招汝來前我已忘機二十年

齊天樂

蝶網

疎疎密密偏如此着意纏綿何故老屋楣黃病花葉白牽出淒涼無數藁砧歸否算襄帶添絲佳期屢阻比似春蠶於人甯有些補况復萬千情緒只宛轉關心銜碑難吐雨重穿珠風柔拋剪閃斷蝶魂一縷療餓最苦漫挂向墨蓑蠹魚堪取辜負經綸看伊高隱處

采桑子

曉鐘

當年石鼓山頭宿禪月初陰佛火猶青最愛層樓不斷聲而
今塵海蒼茫極百感盈盈直送天明悟亂鄰鐘夢不成

金縷曲

櫻桃

記得精簾下映个人赤瑛盤底晚粧初罷固是明珠紅火齊籠
向雲羅袖轉笑盈盈瘦腰低亞忽學麻姑擲米法看彈丸脫手
丹砂化都不惜瓊漿瀉傳鞭夢斷章臺馬算幾度酴醿酒熟
雲英已嫁每到江樓櫻筭節粒粒相思難寫問顏色桃花真假
一樣多情樊素口笑分甘記否檀郎者思往事渾難把

前調

月夜江樓聽琵琶

又到銷魂夜低頭向四弦聲裏對花悲咤猶記瀟湘樓上坐十六秋娘未嫁攏雙袖閒愁盈把萬籟沉沉天似水屈銀河倒捲珠簾鴻幽蘭笑明蟾下當時旁有狂司馬將一領青衫灑盡哀歌重寫那曉美人黃土後伊亦黃壘去也算卿等誰饒聲價莫再喝鳴兒女語看燕泥汚徧香羅帕我已是傷心者送入我門來

香囊

蘭眼抽絲銀尖選麝吳綿小樣輕裝捧出風前含笑覩鴛鴦箇儂本是芳蘭體想今夜定添十倍香看殷勤護惜深深肘後未

許偷相 立處閒情暗裏坐處閒愁細剪都在中央得傍輕衫
恨不做王昌紫羅若肯邀人賜儻僥倖伊一縷光奈旃檀刮
盡香盟無力不乞瓊漿

青玉案

詞等

殷勤勸酒聞歌夜問誰是彈箏者二十年前紅雨榭一花獨笑
一蛩獨畔江水泠泠濶 十三弦外春燈罅莫回首當時話宋
嫂飄零吳妹嫁病鶯無語飛鴻遠去寂寂斜陽下

霜城路

黑蝶

沈腰瘦似玉奴否
嘔心幾篇詞賦且莫塗金也
休傳粉灑墨將伊細覷歸來
栩栩算漆園消息黑甜如故
還怕驪蟲不會草得太平句
忽憶年時頌橘看斑斑鳳子穿花
欲去斂步潛追兜風暗捉一樣捕蟬
情緒竊香何處想跨上春駒烏駢暫駐
葦葦芳塵綠裂拖幾縷南史沈麟士有黑蝶賦近人沈南亭有黑蝶齊詞
云真武彈按閩人亦謂之蟬桂海蟲魚志黑蚨蝶橘蠹所化北人雜俎厭非熊見壞綠裙幅旋化爲蝶

百字令

荔枝林訪三友墓王應山閩都記三友墓在荔枝林白碧山宏治中有徐吳林三人友善死而合葬子孫祭掃不絕按乃興公之祖荔枝林與桑溪近

青山安穩剩一坯黃土交情似鐵地下人間俱鼎足生死不曾賭棋山莊集詞八

離別家自兒孫鬼仍兄弟異姓偏同穴當時膠漆墓門翁仲能
說使我百感蒼茫非無三友死者長拋撇劉向張衡遺蛻在
兩點秋墳明滅一面無從十年不祭吞盡相思丘荒郊灑淚桑
漢助我嗚咽

揚州慢

姜石帚小像

疎影暗香小紅低唱詞仙汝儻歸來看旁行點拍遺譜費安排
空回首太常雅樂竹西簫鼓韋馮清才更廢池喬木中年懷抱
堪哀玉山照處鬲指聲恍惚難諳算五百年餘金風亭長流
派重開蟋蟀西窗人去長亭樹黯黯塵埃問梅溪竹屋後來知

是誰哉

竹垞云吾最愛姜史又云倚新聲玉田差近玉田亦石帚門庭中人

漢家春

廢營

此古戰場倚危垣一角大樹飄零兵懦勇騎賊橫幕府冥冥走
爲上計檀道濟自號長城腥風裏饑鳥萬點啄肉得意而鳴
回想牙旗卓立大將軍高坐鼓吹崢嶸忽無消息一死猶未分
明杜陵老矣陳陶斜哀淚盈盈看故壘人愁天醉日邊飛過青
燐

百字令

瓣香堂謁曾南豐像

驟程揖蔡算六十平頭文章太守輿轎看雲千百徧眼底蓬萊
何有劍水旌旗艦溪雷雨肯令鯨鼇吼山亭遺記至今字貫牛
斗盛矣屢厯人才閉門覓句有客瓣香久秋菊寒泉修故事
又使長林低首池館蒼涼風流歇絕烽火連江右登高一嘆問
公知我來否此堂創議自林鹿原舍人令以配食

前調

烏蟾

螺邊蛤外又嘗新南食詩成也未東海煙波齊消受遮莫夫人
之婢水鏡蠟黃石華茲紫俊品甯如是加恩簿在當時忘卻名
字吹徧冉冉腥風梅花一棹賣向蓮花市便有佳人嫌汝瘦

也費厨娘料理。牛醉微醺，丁盤屢薦。肉少偏多味，不應乘甲擔頭。頻下鹽豉
閩市有烏蛤肉熟而去殼瀆以鹽味頓減

喜遷鶯

集烏山望潮樓

玻璃窓拍便得地無多。幽居堪託，上下分牀東西列。麝踏偏初
枕乍覺，斗魁應識我。肯一席相容，非錯畫闌外。看暮雲紫處，許
多巖壑。風作江波惡，且去雕蟲莫便驅。鮫鱸五虎誰騎雙龍。
誰挽笑指蓮花一萼？前身明月在，總不許名山。蕭索君記取，五
百年以後望潮樓閣。余擬與同輩
結社於此

滿江紅

開官軍收復金陵

過盡愁雲尙無恙六朝山色四十萬軍聲動地游魂昭泣快馬
能爲破陣樂好風解送渡江客聽驚濤風下石頭來猶嗚咽
江之西湖之北蚩尤旗知誰得看酒邊冠帶刀邊巷陌十載頗
疑天地醉一城久戰興亡刦願從今安穩捧金甌無些惻

浣溪紗

晚虹

忽有大圓在上方外邊微綠內邊黃一彎疎雨雜斜陽碧落
忽拋紅玉帶明河凝脫紫絲韁駕橋我欲到扶桑

百字令

象生花

問人曰爲象生花以葷日纏花以錦日綢花以通口草花絨花列肆城南馬道街綢花草花肆少其市在

老佛亭

橋之河瑞然惟通之利最普通潔白鮮潤得通財召良工削焉染焉削無藥材染無失彩爲朵爲葉爲芍爲鄂幼

以錢輔以蠟黏以松膠貫以銅絲一花而眾物備眾力萃焉

母誨其女姑誨其婦蓋大有益於女紅也

飢贍之貧捧之天微暗咸出南陳之市萬燈齊明五色交耀雞聲未已人聲遠

至牢九養餌之屬交錯左右市者集既飽而還之或十取二

三或十取五六彼往此來簪筆於首崎嶇於日暮瞬而手紀

畢注之籍而售其值角有定弗爭也於是日影闌闊矣乃紛

然散明日復如是冬至前後尤盛謂之花市昔某大僚未遇

家甚貧特此爲生而所製特精好市者稱爲正一品花後果

如其言至今蔀屋等

燈之中以爲美談云

河橋轉處算葉葉枝枝明霞生色滿眼春風吹到手手抱百花
魂魄有點無香旣開不落造化歸裁刻官娃聲裏閑粧幾許人
摘試看巧奪天工種牀細選論價應千百中有箇書紅杏在

費盡珠娘熨貼剪碧爲心疊金作朵弄影烏雲側明朝深巷不知辛苦誰得起象生花古人謂之閣蕤花送草花相傳白晉惠帝時盛花日牀以檼爲之

浣溪紗

苔點

檐觜堵聲養綠陰舊痕漸上碧紗廳春風吹得一錢青忽漫題詩傾墨暈無端躡屐礮花心石頭短髮亦星星

金縷曲

將之粵東洛觀惠詞贈別讀之惘然步韻卻寄

萬事蹉跎計四十載熱腸漸冷餘生孤露風樹不甯長已矣富貴是欺死父只每飯不忘將母藉手况無毛義檄便中流擊楫

終何補燈前淚夢中語 看人袞袞青雲路偏不解故山小草
蕭然環堵昨夜羽書如火急危矣諸君門戶莽乾坤真無所住
移孝作忠吾輩頗這頭顱留與江山賭肯輕讓古人古

昭龍謠

素心蘭

夜氣沉沉春痕冉冉一縷幽香暗度挂起疎簾讓佳人微步算
光影冷月初中卻回首故山何處看萬紅笑盡東風悄不把寸
心訴 江波緊亂雲低望帝子來也瀟湘日暮清清冷冷聽騷
聲纏佳猛相思昨夜瑤琴忽相對吾家寶樹間如今空谷十年
是甚情緒

瑞鶴仙影

紅雲會

徐興公品荔之會
有會約載說錄

簾紅雨春歸後萬點紅雲新孕曉枝摘露午盤薦水剪香細
詠珠娘嬌甚算風味江梅堪暖想傳觴攀曹揖謝三百儒重贈
積翠空回首險韻頻拈危欄斜凭亂鴉啼苦料季膺也無清
興蔡譜飄零問色香筆精誰定有高三十風流或未盡紅雨
公別業 梅嶺江妃風亭荔子莆田以爲二絕近莆田王某作
櫓帖云荔子甲天下梅妃是部民盛傳於時二十多年前張亨
甫嘗於烏石積翠寺作荔會累疊雙幢等韻不數年寺爲英爵
所據矣 筆精興公所著中頗及荔事 高雲客有荔社紀事
一卷同社數人入司一會各置荔品其高下張超然爲之序
按此調原名渡涼犯紅友詞律謂上拍首句第四字有韻下拍
末句應三字一逗七字一句然考玉田白雲詞過鄰家見故園
有感是用陌韻而其首句云西風暗剪荷衣碎剪字非韻且作

七字句未句云夢三十六波流去未得則亦可作兩五字句
也十字應讀作諶小杜詩南朝四百八十寺十亦讀平音可證
或疑十字可用仄亦非也此

自友所未審及者均記於此

羅敷媚

過舊院

漳及來發官色裏這一時厭豪容喜近士人歲豐紀
近余遊漳友人招飲累來侑酒尊前作情話意殊懇
意不難解以答心願憐之今年夏過廈門訪諸知者則來發
已卒舉家戮於賊其故居半爲市肆半居老兵馬通鑿繫然
嗟乎城入漳死者累萬

可哀豈獨一來發哉

可憐一片繁華地淺水彎彎斜月珊瑚弱草紅心憶珮環銷
魂根觸無窮事小謫人間流落關山春後花光似水寒
美人聲價矜持甚自愛風流冶笑莫愁十六生兒賽阿侯當
時我作虬髯客醉上高樓卧看梳頭一妹鬢鬟似汝不

水晶簾子珊瑚枕玉色畫叉金屑長芭陸蓋時壺小種茶鏡臺萬福殷勤勸乞得流霞飯得胡麻若个汎潤婆浣紗尊前更絮傷心話玉幘金窩崔嫂沙哥富貴煙雲一剎那陵願作相如妾努力牽蘿永謝奔波不解山鑪心字何

頭灰莽莽從空起一夢黃梁流水斜陽門巷淒涼換綠楊天不管鶯鶯蝶半變稍鵠半飼豺狼黃士能包幾瓣香

馬通驛向畫梁下不見樓臺只見塵埃旁有健兒覓斷釵邱華屋知何限碧玉誰埋黃竹誰栽悔煞令威化鶴來

百字令

先薯祠

在烏石山祀金公學曾及陳氏父子詩烏石山記

如拳如臂算長錢不負調餕未覺飽食能爲天下計位置名山
非錯七日來歸一繩暗渡不畏風波惡龍軒高踞團團巖蜜初
沃况復東海分青南河采翠傳習歸囊橐樹木樹人同不朽
瘦沈餘香長託酒可迎神薩堪飲福社鼓瑟瑟作鳳皇家世先
炊猶憶巖壑薯種得自呂宋七日至廈門見陳經綸稟語島
薯種後傳山東河南等處見陳世元金薯傳習舒
在沈公祠之右沈公名酒督閩學有恩於士人以薯爲號
曰番薯燒見榕城詩話薯心燥乾名口番薯蔓得
薯種爲長樂陳振龍其子無病五世孫世元廣傳於世

湖江紅

竹馬

便會騰驤尙不免兒童跨下忽得意揚鞭顧盼腰肢一把可有

桑弧蓬矢志幾多逐電追風價算家駒千里只如斯紛紛者
雙耳削木牛亞一絲繫尻輪駕間龐然大物驛驅真假兒輩能
爲龍虎勢使君肯過雞豚社笑篠驂塗澤滿文章吾聊且

金縷曲

天津遇風

客舍風飄瓦卻似那怒濤胥口憑江而下頗有閒愁兼淺病耐
盡孤燈涼夜忽冷月窓西光射十八阿姨休作劇問而今虎嘯
何人者陸離劍腰間把紅塵插腳晉真怕況紛紛似煙非霧
模糊簾罅不若乘槎天漢去足踏蓬萊可也將碧落碑文細寫
手抱瑤笙工協律吹升番花信春無價莫爲此蕭蕭罷

百字令

題影心梅 潘適龍集

高寒一片正抱月捲雪把君詩句清絕梅花何礙瘦中有幽香
暗度玉槧情多子文骨秀仙氣無遲暮酒邊倚笛江南淒斷煙
樹已是年少不廉九能三絕隻手都將去垂老雙瞳如點漆
身到太行高處白哈看花青袍染草寫盡六朝語也思竊比未
知曾否相許

喝火令

雨溼鶯兒夢春濃燕子家海棠開過幾枝花花外沉沉一帶玉
憲紗心軟如中酒神清屢點茶爐香溫後日初斜記得眉青

記得鬢盤鴉記得避風庭院障袖替卿遮

念奴嬌

好風過處正瘦影亭亭銷魂一霎無數柔絲兜裏住對面神光
偷接忍喜低看佯羞淺應不語心先慙遷延未進笑潮紅上雙
頰此際伊後儂前便不忍分離行踪暗躡倚膝扶牀教並坐
感損碍羅衣褶籠袖通香偎肩助緩鴉外春山疊深憐密眷兩
情消受嬌怯

滿江紅

連夜筋骨作痛戲拈

洗髓伐毛還未能錚錚似鐵錯怪到瓦燈太亮板牀太闊誰與

溫存空對影自誇。崛強還餘骨一肚皮太不合時宜。何須說老頭顱誰突兀。臭皮囊難拋撒。問於今強項幾多熱血捷徑盡輸腰腳健戲場。飽看鬚眉活笑勞筋如此欠平安還饒舌。

采桑子

盡情排遣都非是。坐也空房卧也空牀。一日相思百日長。寸心積徧愁和悶。醉也蒼茫夢也荒唐。自署人間薄倖郎。

金縷曲

心梅示詞極慷慨淋漓之致作此柬之

一紙飄然至似大聲發於水上。吾驚而視雲涌天搖山亦走勃。勃其中有氣妙到此。何論文字我輩豈真貪富貴便傷心也是。

千秋淚只可惜無聊矣 風雲崛起原容易看無數煌煌鐘鼎
潭潭門第腰腳不靈君自誤唾手功名偏地休相潤吾方欲寐
豎子英雄空一嘆古之人不應狂如是這肝膽難安置

前調

疊韻寄心梅

庸劣原何至但半生於時無補赧然自視斗室昏昏塵與土磨
盡萬夫意氣算到底能留幾字不是青衫吾不灑替乾坤掙點
英雄淚只無奈多情矣 流香千古真非易分一座名山安坐
何求科第並世若逢歐永叔定許出人頭地抱區區不遑寤寐
鍊石未成頭欲白看東南缺憾多如是言難盡君姑置

臺城路

寓齋寂寞采草花作瓶供經宿而萎感填

憐香一點纏綿意若箇替儂安置夢裏尋痕愁邊認影獨立冷
清清地春歸也未忍孤負寸心再添憔悴小草何妨眼前聊且
看伊媚那知淺根薄葉便扶上東風頓消生氣只合傍牆斷
難入座不解溫存滋味儂今去矣間更有何人垂青如是無佛
稱尊竊名原不易

閒情休把閒花記稱意不能有二收拾臘瓶摩挲心鏡嘗徧銷
魂滋味儂真誤矣只合向小山歸尋叢桂相許心心好香爲問
夜來未忽思花邊密語算儂是花根卿如花蒂掃盡羣芳讓

伊獨秀幾輩堪分餘地月斜煙膩認風絮前因蘭芝小字貌似
也難傷春無一是

采桑子

坐紅繡差轎過榆林道傍女郎見之皆笑戲填

繞輿淺繡深紅色自愧蠶材也要人擡負汝回眸一笑來不
爲妻婦吾真誤吹盡塵埃染徧於思嫁與何人替我猜

賀新涼

旅次臭蟲甚多終夜不寐作

到處么麼有怪蟲天寒多孽德腥聞難受自愧平生非逐臭負
汝巉巉利口況病骨近來消瘦人肉多酸傳古語算辱軀一飽

何能發揮之去休相守 不應抱被長途走猛相逢自貽伊戚
我將誰咎自昔蟲官凡幾輩汝蝱其間更醜用韓非語且看汝安居
得否敢竊琵琶好名字恨爬搔屢汚纖纖手付之火殺八九
如此江山

行色又匆匆燈火初紅滿簾明月滿簾風知有箇人簾子下暗
數飛鴻歸興可憐濃無奈飄蓬眼前尙隔路重重爲問黃昏
還幾度纔得相逢

喜遷鶯

錫三招飲禪院先過停雲山館問花事是時余將入都
斷雲數點看舊雨漸疎遙山弄紫剪燭聞鴉倚轅選馬一片離

心千里幽香應戀我問叢桂何人料理荒亭角囁歌郎珍重休爲變徵

是日適有歌者

酒旨醉而已蹋徧雙園頗爲蓮花喜借水爲

姿依雲養秀合冠春城桃李芳華須努力莫天外秋風便起揮手處託團圓明月報君雙鯉

羅敷媚

爲心南題雁門看月圖

少年頗抱縱橫氣每想射生縛袴長征筆策安排出塞辭
書竟逐秋風至雁影纔停酒夢偏醒孤負賀蘭萬點清

老彭賀次如明月十載奔波獨夜哀歌暗受嬌娥青眼多
儂一卷關山曲倒倦銀河徹夜滂沱擔誤秋光似此何

今年中秋大雨

金縷曲

余入都心悔以詩詞盡贐行語長心鄭重賦此答之

此意深於海甯忍道飄然竟去見君難再家世相傳多老壽豐
鑠英姿未改且莫看風雲變態衰樂中年容易感便耐勞也恐
日精憊歸而息乾坤大一詩詞重疊真蒙變只茫茫百端交集
淚痕難耐賤子牢騷多熱語曾把旁觀驚壞但一片肝腸猶在
余昔作連蜷閣傷春錄中有云人無苟質不肖愛我者我爲之
用人亦無論貴賤知我者我爲之死勞觀以其言近游俠怪之
況是生平兒事者問舍君何處癡獃竇能不作靈光待

珍珠廉

唐詩一月言
紀夢

寒更捱盡無人管便獨自溫存眉痕難暖入夢忽聞聲似箇饅
低噴疑是疑非非又是漾一縷倩魂欲散細看怪瘦骨亭亭深
則淺汗爲說無力腰肢怕羅襪塵多凌波亦嬾動簪不堪梳
爾替儂轉挽明鏡中邊俱照徹把一點芳心對換且慢算本是
同心半分一半

唱火令

遠去一千里相思十二時悄無人處獨低眉不覺忘情偷喚一
聲伊痛極翻無淚愁深那有詩觸卿消瘦恐卿知且說平安
且說樂忘餓且說春風容易轉瞬卽佳期

漁家傲

丁卯十月望夜京華地藏菴對月

多情月色偏如許 分明照到孤棲處 老佛低頭無一語 心香炷
望卿送我瓊樓去 八千門戶空延伫 滿庭狂葉當風舞 纔覺
京華非樂土 儂和汝無郎 久替孀娥苦

金縷曲

酒後填寄鄭仲濂

帶醉挑燈坐聽打窓蕭蕭颼颼透風搖火一縷嚴寒捱已慣便
不溫存亦可但安頓心兒未妥廣廈長裘春意思把情絲疊疊
自家裏種何樹成何果 替花珍囑花休墮看蒼茫許多磊塊

無邊塵埃不解千秋萬歲後曾否還知有我數官闕五雲幾朵
旁有佳人知此意送清歌排遣雙肩鎖三斗醜喙非左

金縷曲

爲方元仲

鼎錄

太守題春風並繪圖

我昔京華去駕單車太行山下斜陽平楚丁卯九月自晉入都過雁沼道
天欲黑滿抱秋心誰語賀老屋三間獨住揭未封胡都不見算
夢魂牽負池塘句每豔羨連枝樹開圖忽認春風路接君家
雙丁兩到並驅前度萬斛軟塵排遣法骨肉最宜團聚便騎馬
應官休誤四海子由知此意記遺遙堂後聯牀處幾回首故山

百字令

題高隽生

偉曾

大令消寒冊子

解衣槃礴看一揮而就高三十五余與君相遇於譚西屏坐上
立辨說夢忽從天外想衣上京華塵土短卷分攜長鞭惜別忍盡
相思苦當時畫壁旗亭留與人賭我亦擊缶吹簫黃金臺下
聽徧西山雨輸汝同舟邀李郭濁酒圍爐細煮青眼當花紅牙
倚拍淡墨尋遺譜君此冊與夢樓先生曾孫王君聯作夢樓書
名與石菴時有淡墨採花濃墨宰相之語
綿袍無恙代興曾否千古

沁園春

己巳仲冬與閩鄉張聽菴

樹葵

觀察別於西安君出詞籤贈

行途中欲酬作得首三句不能成闋季冬自同州歸始完之
書寄聽菴京師

點甚離魂酸哉磨態滿載而來嘆司馬衫邊溼痕已徧劉伶車
後醉骨誰埋條見寒花斜陽掩抑萬點愁心不忍開且珍重這
有情風露無賴塵埃 我曾獨上金臺間孰是驛驔孰蹇駘忽
絕盡冠纓有人大笑揮來如意低唱更哀若此江山無多歲月
說短談長老霸才願從君看栽培元氣愛惜癡呆

金縷曲

及門郭生玉堂寶森石生廉夫介以近作古文填詞見示皆
可造道喜而作此以勉之賜予將入都

便欲分襟去卻要留名由一席坐君高處三載舉比空久擁
屋著書容與抱宛轉熱腸誰語山海移情吾豈敢只停琴久盼
知音侶忽發笑婆娑舞兩生並駕誰千古且細認韓歐支派
晏秦機朴入室升堂他日事努力自開門戶莫任意霸才無主
省識淮陰貢國士算功名嚙等誰堪伍奮而起吾期汝

百字令

吳季子之子劍圖瞿京之

樹鑄

刺史索題

珥爛彩鑄更模糊古篆延陵支派讓國雲初都不朽似此鏗鏘
難壞我想佳兒非無小友或學徐君挂茂陵玉枕何人竟攫而
賣遙憶退谷齋頭曝書亭下欵式垂金薤寶劍由來須烈士

得此君心應快贏博歸魂屬鏤往事說盡興亡話休彈長鋏夜來恐有光怪

前調

爲元仲前輩題仇實父璇璣織錦圖

陽臺夢好問蕙娘眉嫵一彎諳畫似此聰明天樣巧宛轉鳥絲細界薄緜蘋砧多情錦段想欠吟詩債心裁獨出我當低首而拜
請看千古風流一經摹寫擲筆增光怪得附佳人同不板我爲十洲欣快武媚裁文管姪作字兩美如儕介鄆原因首賓心猶憶官廝

前調

海山紀夢圖爲穎叔題

青山何處着波痕深淺煙痕圓缺鶴背低昂天色紫仙子幾絲
華髮金母傳經玉皇授記九轉丹砂結吹來人海中流坐鎮塵
劫 忽憶丁卯橋頭曼卿歸去跌宕芙蓉闕我亦傳聞分陸屬
說夢離愁猶熟芑川嘗夢至一橋日外丁卯過橋水木明瑟臣對面雙扉虛掩若甚幽靚問之則曰此謝枚如所居也以故芑川見予如舊相識自謂有夙緣後路青雲前身
明月想有成仙訣從君結伴夙根或未磨滅

陌上花

秋日漳南感舊

當風易怯晚花消瘦恰如人懶一片秋陰綠到無情亭館孤燈

燃起少年夢一閃一番腸斷要吟箋寄與零星細說碧雲又晚
忽短牆移月疎簾漏處明得空牀一半辜負幽蘭今夜薄寒
輕暖當時自願相思誤要訴離愁誰管莫回頭怕看羅衫點點
酒痕猶滿

前調

病中

悲哉秋氣無端釀出多情人病倣骨嶙峋卻怪尖風太勁朝來
寒蝶竚躊躇入夜亂蛩成陣看蕭蕭槭槭婆娑此樹生機未盡
記年時縱酒晚香園處正好剪花同訟渴不歸來鏡裏霜華
細認一千里外相思者此際闌干獨凭急寄書爲說藥爐火活

瘦腰猶剩

滿江紅

答林少平 正持步原韻

闊輒尋君我此去君應寂寞能幾日雄談快論如泉注壑久出

同嘗爲客苦多情何敢將人薄奈離心一片逐離雲隨風落

詞石謙聞還讀花有色紅非獨

君寓齋有山茶一株盛開須拍案

長歌樂吾

所樂霜雪漸催垂老鬢溪山且豁登高目

君與余屢登明翠閣願銅琵互

唱大江東聲交錯

君方有意填詞

前調

留書奎以左右修竹圖索題

我憶坡仙謂無竹直令

離貞切

人俗喜夾坐紗窓節影此君似玉

捎采都成丹鳳尾潦饑可抵花猪肉趁春雷解簜響春風聲相續

垂青處貧當谷汗青處琅玕屋算清詩品後心虛能讀對

金縷曲

陸存齋心源觀察臺江送別圖

一葉飄然去最驚心秋風獵獵昏鴉如雨正是水犀軍乍起萬棹沙頭試舞有巨手暗中調護誰識英雄腸尚熱倚樓船且聽鼙鼓磨盾墨忙如許平生況是文章主便從今布帆安穩也須小住二載鹽梅思發理識盡中邊酸苦忽禿柳蕭蕭無語

一曲移情空復爾莽海山鴻鵠憑高舉名此水使君浦

浣溪紗

題楊春寅兄弟紡燈課讀圖

國朝士大夫以節母而大其名者十數而龍莊江氏最著其

以機聲燈影繪爲圖者亦十數而北江洪氏最著自他有耀前薪之傳不在後裔之郁哉爰責俚言以期告福

負米年光養異才慈聊長傍鏡邊來雞聲不惡莫裴回

寶日

臨階雙玉樹春風得地一金臺種護堂北好花開

大江東去

題范都尉傳後

賊間破膽記當時一范軍中曾有後起卻能肩節義也算同宗之秀海水橫流搖風怒吼馬革裹尸走歸精箕尾何須金印如

斗 銳憶大箭長刀鷹揚宴後奉 國心肝剖萬事浮雲憑變
幻看盡董龍雞狗大帥屢奔壯兒不死一柱擎天否如君健者
固宜毛髮未枯

齊天樂

題補帆巾丞闢海飛航圖

雙輪碾浪飄然去省識蓬萊仙客方嶠尋詩觸穉話夢海水一杯深碧狂濶休急看有杜擎天中流而立萬山齊笑朵雲扶過六鼈脊幾聲迴帆撻處正甘棠港外新露初溼青鳥殷勤赤虬駒伏眼底珊瑚千尺挂蓬瞬息記高唱柁樓月華如璧好託微波采風成一集

金縷曲

同臨恭過龍泉寺陶然亭遂登龍樹寺之看山樓清談一
歸讀其近著填此卽送其出都

爽氣樓頭挂算西山不曾孤負垂青林籬矮屋昏昏塵與土刮
目如斯甚真看一片斜陽平野滿地江湖餘醉夢間蘆中人在
何方也我亦是吹簫者歸來獨坐新詩把正照人一釣眉月
寶光暗瀉盡有許多懷抱在究竟平生難寫但萬事逢時則駕
門外名山千萬疊願登峰造極吾聊且記珍重離亭下

南鄉子

疏離轍購書感作

刮目對陳編插架窮搜讐兩肩自古好書如好女萬千羞澁囊
中剩幾錢一笑比神仙自闢名山極樂天腹笥未充吾已倦
孝先我欲學卿終日眠

臨江仙

白丁香折枝作瓶供

照眼花光能破睡紙窓十倍分明淡無言處獨亭亭好將清白
一笑謹生平似此膽瓶羞不惡護持幾點春晴濃香撲鼻忒
多情寸心百結鄉夢不堪成

如此江山

題龍樹寺讌集圖

代子去京國十餘年矣丙子重踰故鄉
舊游招飲龍樹寺左樓可望三殿右樓平

視西山登臨勝處也時方若早晴緣初回扶閒脩仰渺然有
江湖魏闊之思主人多情欲爲圖志之未就也先是韓小亭
大令有謙集園韓之會在丙午距今三十年其年亦閏五月
晴地相同誠翰墨之佳話主人請先爲題詠以紀盛緣乃同
卷中張石州韻

倚聲以應之

樓頭一角觚移影今年見人團聚斷夢乍圓流光待洗舊雨倍
思新雨輕塵漫舞正睇檻頻窺遙青眉嫵的簾簾波夕陽紅透
最高樹 莫若今又若此間蒹葭多少伊人無語丙舍迎薰端
門紀閑讀曲重翻舊譜後先賓主算幾度秋風酒邊龍虎滿地
江湖一尊聊對賭石州詞有酒達詩狂猶龍似虎句

沁園春

題龔詠樵顯曾編修小照

賀林山莊集

詞八

七

忽有人兮飄然獨立上下于秋
記香草一庭春風書幌朵雲三
殿曉日簾鈎奴僕命騷屠沽北史
寸管難銷萬古愁廿年來嘆
江湖魏闕舊夢悠悠 哮松自擅風流
莫挂角羚羊未易求聽
何處龍吟抽刀斷水昨宵雁過把酒登樓
漳海無燈虛亭有月
離合萍踪兩點浮近余與君同客漳州
余來而君歸矣驚人句且仰天搔首不教
封侯

金縷曲

瑞蘭圖爲某大令題

試把叢蘭數算奇哉花神努力花光團聚放出六根清淨福四
美二難同具看再上一層高處尙有聯芳兼獨秀似九華峰頂

三珠樹花開此真難遇 丹青暗寫芳心素想平生殷勤結珮
多方調護從此園香人服媚蕙子荃孫天付頗更灑神霄珠露
同頌嘉禾連理木獻休祥齊踏青雲路千百轉春風度

臺城路

過二梅亭贈何伯希

嵩祺

同年

寒花開後香餘幾江城夕陽猶剩壓巷春濃欹池影瘦芽火一
星誰識曲闌泥印嘆循陔人遠請羹難進回首堯年孤根冉冉
減雙鬢 齊名非無廉蘭莫紫簾硯冷淒斷芳訊老輩流風前
身助月生意婆娑將盡酒杯休客且倚樹吹簫雪紅成陣果否
南枝緩多吾未信

陌上花

前題

多時梓綠愆紅瘦得青山幾寸來作寓公忽地揚州何遜春風
管領多情筆百態花前爭獻便倚香按拍調羹未必且辭墮溷
卻巡檐索徧彷魂竟去弱質不如儂健何等心腸纔脫夢中
恩怨可憐月落參橫後如許離情誰勸且狂言幸共人間崛強
千秋自効

滿江紅

辛巳七月望日招葛少山

新

劉雲圖魏子瑜

秀才

李少棠許

申季

肇基

小集賭棋山莊是夜清天一片月光如濛水蘊談

至三鼓申季出紙索書俯仰今昔因填長短句四闋與之

好月飛來把酒館變成銀闕照此中二三措大鬚眉欲活雙錄

古稀拾級走

少山時年七十步履不亞少壯

時有互詢家衆者

問前

峰巒頂幾人登煙霞窟

上有鼓山光閣下有水湖泥滑

予山館上

面石鼓下

窺東湖看橫空爽氣遙青一抹金粟臺前詩夢冷玉蟬菴畔

歌聲歇莫揚州未滿二分秋離舟發

時申季及余皆將遠出雲圖亦謀行計

我憶秦淮尙未遺秦淮憶我記幾行蕭疏衰柳白門秋早

丁丑秋予

至金陵三溫嶠長垂青眼在

謂明叔師孫陽纔把狂名考賾孫琴西一指琴

宿而去

西日福建有詠枚如是
一家否予曰我也琴西大笑曰

予日念謝叔如刻未細審名刺因起致敬延之上坐

對出山瘦沈話歸山相知頗

謂文肅公文肅時在病中謂余曰如此江

山豈容卧治乞身不得奈何我豈戀棧耶

君知我者又曰君
決計不出甚善

問誰得孝陵寶問誰見莫愁老算英雄兒

女都舞一可地勝須憑天富貴氣清易令人枯槁得王郎

芝攜友芝友招飲真

手見君來吾傾倒

愁湖君在生

名父名公這兒孫定饒清氣便當年風流瑣事也增神智

君家世能

謹起文大名

一筆自揮人海外萬花爭笑娥池裏向選官格上寄高

名袁康比

相傳博穀之陞官圖出自尊甫遠承先生其日紅豆村人製者紅隱德豆村隱樹蓋亦越紀書袁康瘦語

之

文何古留宗旨詩誰選窺精理溯梅巖

朱仕琇

退谷

謝金鑑

君先兩

難傳未已那得臺吟光祿派再教風振文儒里嘆別枝

零落紫藤花香凡幾

君與許未友不同望而指以才地爲閩巨族近則頗有今昔之感

世本師難傳未已

那得臺吟光祿派再教風振文儒里嘆別枝

難得少年對官燭

迥然一笑莽乾坤長江大海從容歌嘯

君自赤嵌

歸都需
次林陵
卻會摩巖濱
大筆更能聚米圖
閩嶠君工書善畫

惜怪驚出
沒撈蓬萊無人釣
且莫管葫蘆寂寞
且莫問蓮花調
只六朝金
粉不堪憑弔
把酒徧繙循
吏傳焚香會過功臣廟
囁天邊明鏡
久團圓心心照

百字令

送勒少仲

方鈞

中丞調任黔陽

江頭弭櫂記雙輪安穩春風半
公方自臺灣歸忽把慈雲吹別岫回
首情長期短退谷病鶯依山小草曾被流光煥
公到閩子未謁公屢枉顧銷魂此別布帆分挂潮滿之漳浦
時子亦將公方條我卻暫出旋歸公來何日
怎遣離踪縮報國文章無數在
陳時事公方條何止黔書重纂便欲

效顰

公有攝
附詞

誰人顧誤

予古文譯詞話等作公旨許可陋巷柴門晚珠光串紙

望塵思徧

池館

公爲子懸

山莊圖

珍珠簾

一春懵懂百事蕭條昨偶步小山墜紅鋪地感填

小山都做傷春色況單寒簷橫尖風惻惻落葉爾何心偏亂飛
庭側香魂應有歸來日只扶上枝頭難得頃刻已消盡脂痕
窗漸黑塵世多少空花便各自繁華百年奚極幻夢不須陳
但歸真太逼平生久憤飄零恨管此後轉蓬南北誰識剩瘦影
中間愁陰如織

南浦

和張公東

鴨母

韻留別

剪風吹處正春江水滿又孤行無數鴻泥池館歷歷灌嬰城莫說銷磨雙鬢只當時同調已晨星便論文煮酒檢書燒燭倚櫈不勝情況復魚龍變幻間蓬山留得幾分青一任潮痕吞吐如送復如迎五老料應頭白聽鷓鴣聲裏子規聲望月來雲破好花弄影慰凋零

臺城路

酬別何佑卿

咸德

錢秋已過驛前樹扁舟忽然延佇虛閣裝雲危牆墜雪做出一天酸楚離懷難語看萬點霜花淒人眉嫵冉冉江波飛蓬明滅

亂鴉舞爲問西山幾許湖洞三兩尺便到南浦築室留香臨流選石說甚良工心苦望洞亭方歛去燕來鴻相逢無所此行登覽君亦將不慨到此小住亦佳撲憲風似虎

百字令

步韻送羊辛初復禮之嶺南是日在張子衡岳齋廉訪餞唐聞歌綠蘿十數日前廉訪招陪酒余與君同席忽流光似水又催人別官閣梅花驛路柳上客清才雙絕眼底兵機猶前離夢風勒停雲關新詞慷慨繼春吾愧雄傑行矣嶺海蒼茫魚龍出沒策爲籌邊殘大帥文章師法在謂孝達先生定有唱酬盈篋拔劍看天摩巖作字沈澆無些隔匡廬高處分襟應憶山末

菩薩蠻慢

陳恭甫先生戀雲圖

章鋌敬觀滌筆戀雲諸圖題者古今

各體俱備而尚缺長短句故作此以補之昔先生掌教清源

陳頌南給諫在門下自述請業請益經史詩文之外及於萬

紅友詞律乃知先生固未嘗鄙填詞爲不足道也光緒壬午

戀山不起任畫圖萬變隨人料理算難得滿眼慈輝看傳處纏

綿歸時歡喜富貴何因莫嘯氣秋羅如紙抱寸心誰識分此名

山一席而已金鼈共懷彼美

章鋌曾與友人作過龍峰懷先
生詩有樽才雙鉅眼憂世一狂

呼東越儒林傳西京禮器

忽輕陰爭漲斜日餘幾嘆當年藉甚

左海文章剩古巷樓寒隱屏天紫五色銷沉況隔絕蓬萊千里

貴林集詩卷八

三

這英英儻堪持贈散霞成綺

王江紅

馬元欽乞食圖

冷炙殘羹填不了無厭谿壑忽畫出頑肥骨格支離魂魄顯者
難將窮鬼送才人愛唱蓮花落不巧偷豪奪角英雄還非錯
或躡蹠或摸索或壯健或少弱更昂然中立破靴似橐塵世幾
番華屋夢貧婆一樣春風樂莫攀躋富貴學齊人言之忤

白字令

張韻船傳太守眠琴小築填詞圖

冰絃乍咽看海山迢遞飛鴻曉夫一笑迦陵開標本填詞圖始於陳其年

留得替人無數養夢綠陰種情紅豆寫恨黃金縷旗亭過後春
風冉冉吹絮不見冷落關河仙人掌下猶有銷魂句爲問風
流張子野雲破月來何處水調堪歌桐材不死鄭重周郎顧等
琶休昭靜中纔識琴趣

賄棋山莊集

酒邊詞八絃

三山吳玉田鑄字